

SAN MARTIN Y LUNGIARÜ

Al pó gní paié mässes a d'intenziun vigni domènia do la gran mësša tles colonies da San Martin y Lungiarü. Ince les domènies pó gní dít mässes a d'intenziun. Sc'al n'é nia gnü dít mässes gnüdes paiades, lascésse a d'intène.

La Ciasa de Palsa invièia düc a n domisdé de aurela cörta cun musiga, café y duciaries por festejé deboriada le dé di seniors. I s'aspetun en vëndres, ai 04 de otober dales 15.00. Dales 16.30 gnaral daurí la mostra "Cun Cura" metüda a jí deboriada cun le Frauenmuseum de Hittisau, sön la tematica dl guern a dla cura. Döta la popolaziun é dër bel inviada.

SAN MARTIN

La Uniun di Seniors da San Martin y Antermèia vá en jita a Oies en dedemesaledema, 2 d'otober. I piun ia da San Martin dales 10.15 cun i auti privac. Mësša sö Oies, marèna söl Lüch da Alfarèi. Cost 10 €. Anunziesse cina ai 30 de setèmbor pro Maria 338 17 51 839 o pro Alfred 333 36 54 786. Gnide tröc!

LUNGIARÜ

La Uniun di Èi da Lungiarü invièia düc da gní a fá le Tru dles Staziuns en Domènia dl Rosare, ai 06 d'otober. I piun ia dales 14.00 da dlijia demez.

La Uniun di Èi da Lungiarü invièia düc al marcé de patüc de secunda man (da d'invern) por mituns y mitans, ai 20 d'otober dales 9.30 ales 12.00 tla palestra da Lungiarü. Chi che á val' da vène pó se prenoté cina ai 12 d'otober por telefon 380 51 45 840 dales 09.00-12.00 o 340 32 42 376 dales 18.00-21.00.

Le Cor de Dlijia tègn ince en chësc ann le marcé en Santa Lizia. Porchël prèiel dër bel la jënt da arjigné ca val' patüc da vène. Prèibel y damperfora bel dilan!

Invit ala mësša solèna y benedisciun dl orghe nü a La lla en domènia ai 06 d'otober dales 8.30 y dales 17.00 al concert cun Franz Comptoi sön l'orghe nü.

La Uniun Patrones invièia al curs da fà desserc cun Rosmarie Verginer le dedemesaledema ai 07 d'otober dales 19.00 - 22.00. Iscriziun 339 59 12 655

Döt le bun a chi che complësc i agn d'otober

a San Martin



Maria Clara Verginer che nen complësc 89 ai 2
Anna Mairunteregger Moling che nen complësc 88 ai 18
Giovanni Trebo (Tistler) che nen complësc 88 ai 21
Giovanni Planatscher che nen complësc 80 ai 24
Martin Rives che nen complësc 85 ai 29
Frida Graffonara Videsott che nen complësc 80 ai 29
Sepl Flöss che nen complësc 80 ai 31

a Lungiarü

Rita Zingerle Clara che nen complësc 88 ai 7
Angela Peccei Liotto che nen complësc 82 ai 31



www.unitepastorala.org

Plata dles Ploanies San Martin y Lungiarü

siur Klaus Sottsas 344 15 54 055 - klsottsas@yahoo.de
redaziun: anton.gasser@rolmail.net - 348 27 44 517 / 0474 523 194

29.09. – 06.10.19 nr. 44

ultimo termo por comunicaziuns: jöbia dales 20.00

radio: 90,40 / 93,70

26^a DOMÈNIA ia por l'ann C

Vangele do Lüca 16,19-31

Al ê n iade n ël rich, che se vistî de purpur y lin fin y viô da dé a dé, s'la godon y s'la don bona. Mo dan la porta dl ricun êl ponü n püre ël, che â inom Làzarus, dal corp plëgn de plaies. Al s'ess ion parè la fan cun ci che tomâ jö de mësä dl ricun. I cians gnô a ti liché sües plaies. Do che le püre ê mort, él gnü portè dai agnui tl gremo de Àbraham.

Ince le rich é mort y é gnü sopoli.

Tl somonn olach'al gnô tormentè

da n gran dolor, àl ciarè sö y

odò dalunc Àbraham,

y Làzarus te so gremo.....

Dailò àl scraié:

Pere Àbraham,

ortiëiele tla ciasa de mi pere!

Deach'i à ciamò cin' fredesc.

Al dess i amoni,

ch'ai ne röies nia ince ëi

te chësc post de tortöra.



Forsc ne n'é chël ël rich gnanca sté na porsona mariziosa te súa vita, sc'al foss sté n dër egoist ne s'essel dedò nia cruzié por la salvèza di fredesc. Plütosc ne s'un fajöl nia adinfora dla vita di atri y ne stò nia a ponsé do.

Insciö s'aràra porté pro ch'al n'odò gnanca chël püre Lazarus.

Chël ël rich pó ince abité dlungia me, al pó ince ester da orèi bun.

Al pó cinamai ester ch'al vires cun me sot a un n tèt, magari propi te me.

Bastel ch'i me tralasci sön le stat, les istituziuns soziales, la dlijia, minan che chi ciares di püri? Ne tleca nia les cutes y les ofertes ch'i dá.

Lazarus me dá da ponsé - vigni de él inzai ch'al patësc - pó m'un ester anfat?

	SAN MARTIN	LUNGIARÜ	 Pro la conferënza pastoral da d'altonn a Porsenù l'edema da denant, á nosc Vêsc Ivo Muser baié te so referat dl debojegn ch'i formunse comunité. Chiló n valgügn de sü pinsiers: Na comunité se basëia sön i raporc y les comunicaziuns danter les porsones che dess se tigní ales indicaziuns dl Vangele: - al respet un por l'ater che evitëia sënn, intoleranza y desprisc; - ala conferta sinziera che chir la verité; - al s'incunté, se jon un al ater adincuntra. La Dlijia diozejana prô da porté inant ci che la Sinoda s'á tut dant da fá. La fede n'é nia val' ch'an á n iade por tres. Sciöche credënc ne podunse nia resté sura ia mo ciaré da jí tres plü sot y da crësce. Fede ó dí resté sön tru y chirí Chël Bel Dî. Porchël é les ploanies inviaades da pité poscibilités olache la jënt sciafia da crësce tla fede y da formé y sintí deboriada comunité. Al ó ester la crëta che Chël Bel Dî operëia te süa Dlijia, ch'al é tl fá sö so rêgn amesa nosc monn cun chi y chëres che se lascia implí da so Spirit y se dá da fá cun crëta un tl ater. Al ó ester paziënza. Les comunités cristianes da indoman sará atramënter co ch'i n'ën ausá y se formará daimpro ia cun les esperiënzes ch'i fajun. Al é debojegn ch'i soportunse ince ch'an se fala. Da chi che s'infida da jí por trus nüs ne podunse nia ghiré che döt garetas atira. I podun confidé tla misericordia de Dî y se lascé ite sön so tru.
29.09.19 26ª DOMÈNIA DL ANN C <i>Michil, Rafael, Gabriel</i> <i>De mondial di migranc y di muciadus</i>	9.00 Corona 9.30 Gran Mëssa dla Comunité	9.00 Sön plaza dla scora: Salüt de bëgnü a siur Klaus Ingres deboriada te dlijia Mëssa da festa dedô Conferta cun le ploan nü tl salf dl païsc	
30.09.19 Lönesc <i>Iarone, Sofia</i>			
01.10.19 Dedolönesc <i>Tarejia dl Bambin Gejú, Roman</i>	19.30 Mëssa + siur Heinrich Videsott (de rengr.)		
02.10.19 Dedemesaledema <i>Agnui Custodi</i>	11.00 Mëssa sö Oies cun i Seniors da S.Martin y Anter. en onur de Sant Ujöp Freinad.	7.30 Mëssa dl ann + Maria Daporta da Grones + Franz Pezzei + Daniele Pezzei	
03.10.19 Jöbia <i>Josef Mayr Nusser, Cristina</i>	7.30 Mëssa + Sepl Trebo, Tor Corona por vocaziuns		
04.10.19 Pröm vëndres <i>Francesch d'Assisi</i>	<i>Aniversar che Sant Ujöp da Oies é gnü protlamé sant</i> 18.30 Prozesciun por le tru de meditaziun pian ia da Pradel 19.00 Mëssa en onur dl Cör de Gejú	7.30 Mëssa + Florino Mischi	
05.10.19 Sabeda <i>Faustina Kowalska</i>	14.00 Noza de Priska Conrater y Elmar Rubatscher 15.30 Mëssa tla Ciasa de Palsa 18.30 Mëssa prefestia + siur Vito Rubatscher	20.00 Mëssa prefestia fam. Hubert Pezzei	
06.10.19 27ª DOMÈNIA DL ANN C <i>Segra dl Rosare</i>	9.00 Prozesciun dl Rosare 9.30 Gran Mëssa dla Comunité	7.55 Corona 8.15 Gran Mëssa dla Comunité 14.00 Tru dles Staziuns	
<i>La Lia Provinciala por la sconanza dla natöra invieia da jí cina ai 11 d'otober 2019 te comun a sotescri por la sconanza dl ambiënt y por le mantignimënt dla natöra. Chësta aziun de sotescriziun é gnüda metüda a jí a nivel statal dall'Assoziaziun "Plü Europa" y ó arjunje che la sconanza dl ambiënt y le mantignimënt dla natöra, la defenüda dla contrada y di bëgn culturali röies ite sciöche dërc fundamentai tla Costituziun Taliana.</i> <i>Deplü informaziuns ciafëise te internet sot a "figlicostituenti.eu"</i>			